



Komisaun  
Reforma Fiskál



# AUTORIDADE ADUANEIRA

## AVIZU BA PÚBLIKU

Informa ba operadór ekonómiku sira hotu, no mós ba públiku tomak katak tuir artigu 78 no 79 Kódigu Aduaneiru nian, Autoridade Aduaneira (AA) sei implementa sistema pagamentu eletróniku liu husi TPA/POS hodi uza Sistema Informátiku Asycuda World, iha Alfândega nia servisu iha Aeroportu Dili no Servisu Sentrais .

Ho medida ida ne'e atu fasilita pagamentu impostu no taxas ne'ebé tenke selu iha tempu loloos, ne'ebé sei permite liberasaun aduaneiru (customs clearance) lalais liu hodi evita kustus adisionais ba importadór sira.

Nune'e mos, iha âmbito administrasaun pública ida ne'ebé modernu, no obedese padraun internasionál ne'ebé di'ak liu iha fasilitasaun komérsiu internasionál, medida ne'e sei aumenta prestasaun servisu, redús tempu hein no mós permite atividade aduaneira orienta tuir prinsípiu transparénsia no legalidade.

Ho ida ne'e, informa katak, hahú loron **11 fulan Juñu 2018**, AA sei la simu tan pagamentu impostu ruma iha osan/cash iha Alfândega nia servisu iha Aeroportu Dili no mós iha Alfândega nia Servisu Sentrais. Montante pagamentu tenke selu liu husi sistema TPA/POS ne'ebe instala iha servisu fatin refere.

AA sei halo exesaun ba viajantes no importadór sira ne'ebé seidak iha kartaun banku BNU ka kartaun viza, atu halo pagamentu ho osan/cash iha BNU nia edifísiu iha Dili durante oras servisu. Exesaun sei fó to'ó loron **30 Jullu 2018**, hafoin pagamentu hotu sei halo ho eletróniku liu husi sistema TPA/POS.

Wainhira halo tiha ona pagamentu, viajantes bele apresenta resibu ba Alfândega iha Aeroportu hodi bele foti merkadorias ne'ebé importa liu husi transporte aéreu, no importadór mós bele apresenta resibu ba Alfândega iha Portu hodi bele prosesa liberasaun merkadorias ne'ebé to'ó ona ho ró husi tasi.

Pagamentu eletróniku liu husi TPA/POS sei disponivel mós iha Servisu Alfândega sira seluk iha tempu tuir mai.

Dirétor Jeral Autoridade Aduaneira

José António de Fátima Abílio

**Integridade – Profisionlizmu – Transparénsia – Respeitu**